

SIN SUBSIDIO AÑA DI LA REINA LO SER CELEBRA

ORANJESTAD(AAN)—Den un comunicado cu a ser emiti pa Oranjevereniging cu, entre otro, anualmente ta prepara e festividadnan den cuadro di celebracion di aña di La Reina, ta ser muestra cu e celebracionnan e aña aki lo continua sin subsidio di Gobierno.

E comunicado ta bisa cu a pesar di e hecho cu Bestuurscollege a haci conocí, cu en vista di e situacion financiero precario di e isla, e aña aki no por duna subsidio pa celebracion di Aña di La Reina, Oranjevereniging Aruba, pa di 38 aña consecutivo, lo realiza e preparacion-

nan pa compilacion di un programa.

Durante e reunion di e directiva di e organizacion, Presidente Jos van der Schoot a haci un apelacion ariba e diferente organizacionnan cu tur aña ta participa activamente, pa e aña aki tambe duna nan cooperacion.

Aunke nos no ta ricibi subsidio, esey no ta encera cu nos no ta celebra Aña di La Reina, segun e Presidente cu a muestra cu esey ta imposible comoquiera cu Aruba ta sinti su mes estrechamente liga cu Cas di Oranje.

Durante e reunion di e

directiva di Oranjevereniging formanan pa realiza e celebracion a ser analiza.

A keda determina cu e parada oficial di bandera di Camp di Savaneta na e estatua di La Reina Wilhelmina, lo continua normalmente.

Tambe señor Harry Jansen a duna di conocer cu en cooperacion cu Idefre e Careda di 10.4 kilometro di Boulevard lo tuma lugar normalmente. Esaki especialmente en vista di e hecho cu lo ta di 25 bez cu ta organisa e careda.

Un apelacion a ser haci ariba e diferente organisa-

cionnan deportivo pa organisa algun wega, mientras cu ta ser spera cu e centronan di bario y otro organizacionnan lo celebra Aña di La Reina cu entusiasmo di costumbre.

E alto comisario di Padvindernan, Djurrie Vrieswijk, a participa cu tin planes pa na vispera di Aña di La Reina tene un parada di flambeo na Playa. Gobernador Pedro Bislip a bisa cu manera ta tradicion, ba vispera di Aña di La Reina e lo entrega dilanti di camaranan di television e copa juvenil Drs. N.M. Leito na e ganador di e aña aki.

Te cu dia 2 di April proposicionnan por ser entrega na Presidente di e Jurado pa e premio.

Manera ta conoci ta existi planes pa tene dragrace internacional na e International Raceway Park na Palo Marga, mientras Kiwanis Club lo ser pidi pa atrobe organisa e competencia di flie na

Maimok.

Pa motibo di gastonan e aña aki lo no ta posible pa tene e bailenan di cinta na diferente lugar, pero e posibilidad ta ser studiao pa tene na un solo sitio.

E treat na muchanan di school e aña aki lo no por tuma lugar.

E directiva di Oranjevereniging ta consisti di e siguiente personanan: Jos van der Schoot, Presidente, Wim Martinus Vice Presidente, Luis Zievinger, Secretario, Raymond Jong Tesorero, y e miembronan Frere Kasper pa schoolnan, Jerry Gomez pa deporte, oficial di Marina Lopez, Sub Inspector di Polis, Rojer, Ovito Tromp pa Noord, Felix Croes pa Paradera, Bibiano Lopez pa Santa Cruz, Francisco Ruiz pa Tanki Leendert, Vrieswijk pa e organizacionnan huvenil, Elso Geerman Dubero pa bailenan di cinta y Marcolina Wever pa Brazil.

ELIAS FINGAL A KEDA ELEGIDO COMO GOBERNADOR DI DISTRITO DI LIONS

ORANJESTAD(AAN)—E luna aki ta un especial pa Lions Club di Aruba. Manera a ser anuncia algun tempo padespues di 20 aña un miembro di Lions Club di Antillas, cual clubnan hunto cu 52 club Venezuela ta forma Distrito E-1, lo bay wordo postulado como candidato pa posicion di Gobernador di Distrito.

E conocido ciudadano di Aruba Lions Club, cu bastante experiencia ariba nivel internacional, Elias Fingal a keda eligi unanimamente como gobernador di Distrito pa e aña Leonistico 1985/86 cu ta cumenza dia prome di juli di e aña aki.

E eleccion a tuma lugar na Merida, caminda un delegacion basta grandi di miembronan di Lionsclubnan di Curacao, Bonaire y naturalmente Aruba, a acudi pa apoya e candidato.

Mirando e hecho cu e ultimo Gobernador Antillano den persona di Oscar "Shon" Marugg, kende tambe ta di e club di Aruba, tabata 20 aña pasa, tur e otro candidato-

nan candidatura cay pa di e manera ey Elias Fingal bira gobernador cu votonan unanime. Naturalmente e clubnan Antillano, especialmente esun di Aruba ta sumamente contento y orgulloso di tin un Gobernador den e Service Club mas grandi di mundo cu mas di 1.3 millon miembro den mas di 150 pais.

E otro acontecimiento particular ta cu dia 14 di maart tabata di bishita na e club local, e gobernador saliente di Distrito E-1 Sr. Victor Gil Gonzalez, y su distinguida esposa Fanny. Den un reunion general celebraba na Aruba Palm Beach Hotel e miembronan di Lions Club di Aruba a haya oportunidad pa entre cambia di idea cu e Gobernador y alavez felicitata e Gobernador electo.

Lions Club di Aruba a haya cu ta lastima cu pa motibo di horario di e Gobernador bishitante no por a haci e bishita di customber di cortesia na Prome Mandatario di Aruba. Despues di Aruba, e clubnan di lions di Curacao y Bonaire lo haya bishita di e Gobernador.

Cu vudanza di comunicacion lesa pag. 14



BUSCA E PREMIO BAO DI E TAPA DI COCKSPUR

BEBE BON ROM GANA BON PREMIO. BAO DI HOPI DI E TAPANAN DI Cockspur DI 75 CL. TIN UN REGALO PA BO. BUSCA NAN BAO DI E KORKI.

ORA BO HAÑA E GAI.....




BO TA HAÑA UN BOTTER DI 20 CL. DI ROM DI REGALO

ORA BO HAÑA E TETCHI.....



UN "RADIO-CAP" CU RADIO FM ADEN.

ORA BO HAÑA UN MONTANTE DI.....



BO POR COBRA BO MONTE CU BO A HANACOMO PLACA CASH.

CAMBIA BC TAPANAN NA: ARUBA AGENCIES LTD.

Gutenbergstr. 2 - Tel. 23750